

BOSNA I HERCEGOVINA
FEDERACIJA BOSNE I HERCEGOVINE
ZENIČKO-DOBOJSKI KANTON
OPĆINA MAGLAJ
JU DOM KULTURE „EDHEM MULABDIĆ“ MAGLAJ

PROGRAM RADA USTANOVE ZA 2022. GODINU

Maglaj, ožujak/mart 2022. godine

**PROGRAM RADA JAVNE USTANOVE DOM KULTURE
„EDHEM MULABDIĆ“ MAGLAJ ZA 2022. GODINU**

<p>NAZIV JAVNE USTANOVE</p>	<p>Javna ustanova Dom kulture "Edhem Mulabdić" Maglaj</p>
<p>PLANIRANE AKTIVNOSTI U OKVIRU REDOVNE DJELATNOSTI JAVNE USTANOVE</p>	<p>U prethodnim godinama mnogo je urađeno na rastu i razvoju Ustanove, razvijanju kulturnih, sportskih i znanstvenih sadržaja, potrebno je i dalje kontinuirano planirati te ujedno osigurati daljnji nastavak uspješno započetog procesa. Zahvaljujući podršci Osnivača, strateškom planiranju menadžmenta, stalnom i nesebičnom zalaganju radnika JU Dom kulture „Edhem Mulabdić“ Maglaj, ambijent za kulturu, sport i znanost na razini lokalne zajednice znatno se poboljšava.</p> <p>Vidni rezultati rada Ustanove podigli su kvalitet i kvantitet programskih sadržaja i aktivnosti, što je u konačnici rezultiralo porastom broja konzumenata kulture i sporta, korisnika široke lepeze usluga Ustanove.</p> <p>Budući da je kultura iznimno značajan segment cjelokupnog društvenog i individualnog života, da je bitna odrednica identiteta svakog pojedinca i naroda, biće potrebno nastaviti unapređivati postojeće kapacitete i stvoriti još bolje uvjete za nesmetan rad Ustanove, kako bi putem programskih aktivnosti ostvarili postavljene ciljeve, te još više podigli kulturnu razinu građana.</p> <p>Prije svega, naš osnovni zadatak u 2022. godini jeste da održimo kontinuitet redovnih manifestacija i aktivnosti, pokušamo zadržati pa čak i podići kvalitativni i kvantitativni nivo istih iz 2021. godine.</p> <p>U aktivnostima planiranim za realizaciju tokom 2022.godine je niz sadržaja a cilj nam je zastupanje svih oblika scenskog stvaralaštva (kazališne predstave, koncerti, festivali, itd.)</p> <p>Filmska djelatnost : U dijelu koji se odnosi na filmsku djelatnost, nastavljamo sa prikazivanjem filmova u našoj Kino sali „Sarah Bernhard“.</p> <p>Galerijska djelatnost : Tokom 2022.godine u planu je organiziranje četiri likovne izložbe umjetnika iz Maglaja i drugih gradova BiH.</p> <p>Promocije : Dom kulture će i u 2022.godini nastaviti sa promocijama knjiženih, glazbenih i kazališnih ostvarenja profesionalaca i amatera, kako iz Maglaja tako i izvan njega.</p> <p>Kazališne predstave : U 2022.godini planiramo četiri kazališne predstave. Na kazališnim daskama u Maglaju predstaviti će se profesionalci i amateri iz BiH.</p> <p>Amaterska djelatnost: Posebnu pažnju u dosadašnjem radu, Dom kulture je posvetio približavanju ove Ustanove mladim ljudima. Naši prostori korišteni su za pripremu kazališnih komada osnovaca i srednjoškolaca. Ovdje naglašavamo da je u tom dijelu ostvarena dobra suradnja sa uposlenicima osnovnih i srednjih škola, što će biti praksa i u ovoj godini. Poticati mlade da sami stvaraju i pokazuju šta i koliko mogu, najbolji je način da ih sklonimo sa ulice i njihovo slobodno vrijeme upotpunimo na koristan način. Naša podrška u tome neće izostati ni u ovoj godini.</p> <p>Obrazovanje odraslih: Dom kulture nastavlja i sa programima u oblasti obrazovanja odraslih. Program se ogleda kroz organiziranje tečajeva za koje bude zainteresiranih kadidata. Isti će se organizirati na tržišnom principu.</p> <p>Sportska dvorana : Sportska dvorana, koja je također u sastavu Doma kulture će i u 2022.godini biti u funkciji provođenja plana i programa tjelesnog odgoja za učenike,</p>

	<p>trenažnog procesa sportskih klubova, prvenstvenih i kup utakmica, organizaciju turnira, rekreaciju građana, te organizacije koncerata i drugih nesportskih sadržaja.</p> <p>Uzeirbegov konak : Uzeirbegov konak je Odlukom Vijeća dat na upotrebu Domu kulture na period od 10 godina. Obzirom da je Konak doveden u kontekst turističke ponude i ove godine ćemo omogućiti posjete i obilaskе, kao i organiziranje sadržaja koji su primjereni autentičnosti ovog prostora. Zbog dotrajalosti objekta kao i očuvanja od daljeg propadanja neophodna su stalna ulaganja koja Dom kulture nastoji osigurati kandidiranjem projekata i vlastitim sredstvima shodno našim mogućnostima.</p>
<p>PLANIRANI PROJEKTI</p>	<ul style="list-style-type: none"> - Gastrokulturni susreti, „MAGLAJ FEST 2022“ - Projekt „LJETO S POZORIŠTEM“ - Projekt „UREĐENJE ENTERIJERA UZEIRBEGOVOG KONAKA“ - Dječiji film festival - Sufinanciranje projekta sportskih klubova - Proljetni dani kulture – Maglaj 2021. - Projekt Zapis o Maglaju - Uklanjanje arhitektonskih barijera– dobijanje oznake objekta pristupačnog osobama sa invaliditetom i umanjenom tjelesnom sposobnošću - Izrada energetskog audita u cilju utopljanja i postavljanja toplotnih pumpi za zagrijavanje i rashlađivanje Sportske dvorane - Stavljanje u funkciju toplotne pumpe za potrebe zagrijavanja zgrade Doma kulture za grejnu sezonu 2022/2023. - Projekt energetske učinkovitosti – fazna zamjena reflektora na borilištu Sportske dvorane - Nabavka projektora za 3D kinoprojekcije
<p>PRIJEDLOZI I MJERE ZA POBOLJŠANJE UVJETA RADA JAVNE USTANOVE</p>	<p>Zakonska regulativa koja tretira ovu oblast na nivou države nije regulirala statusе ovakvih ustanova i stoga su mnoge danas pred stečajem ili su rad svele u minimalne okvire. U većini ovakih ustanova nagomilani su problemi nedostatka tehničke opreme koja je dotrajala ili uništena, kadra, zaostalih a neizmirenih obaveza, a samim tim i nemogućnosti realnijeg značajnijeg planiranja i ulaganja u projekte koji bi u sadašnje vrijeme davali značajnije rezultate, jer su sredstva uplaćivana za zaostale obveze, koje su ponekad završavale i sudskim sporovima.</p> <p>Naša Ustanova je uz veliko razumijevanje osnivača Općine Maglaj i uz naše domaćinsko poslovanje i trošenje raspoloživog iznosa sredstava uspjela prevazići najveći dio neizmirenih obveza. Ono što bi se u narednom periodu trebalo riješiti jeste da se ova Ustanova postavi na nivo svih drugih ustanova na općini Maglaj u smislu financiranja odnosno stavljanja cjelokupnog poslovanja na proračuna Općine. Također bi trebalo podnijeti inicijativu da se ustanove kulture stave u istu ravan kao i biblioteke i druge kulturne ustanove na nivou Ze Do Kantona te da se financiraju jednim dijelom iz kantonalnog proračuna.</p> <p>U cilju stvaranja ušteta u poslovanju potrebno je izvesti određena infrastrukturna ulaganja:</p> <ul style="list-style-type: none"> - Izrada detaljnog energetskog audita sportske dvorane od strane ovlaštene projektantske kuće - Ugradnja toplotnih pumpi u svrhu zagrijavanja i hlađenja sportske dvorane - Aktiviranje toplotne pumpe u svrhu zagrijavanja i rashlađivanja zgrade Doma kulture - Fazna zamjena reflektora na borilištu Sportske dvorane u cilju provođenja mjera uštete utroška električne energije - U Domu kulture osigurati uvjete prelaska na kombinirano zagrijavanje na pelet uz upotrebu postojeće toplotne pumpe uključujući i povećanje snage u snabdijevanju

	<p>električnom energijom</p> <p>Osigurati uvjete za popunu mjesta od značaja za redovno nesmetano funkcioniranje ustanove uz poticaj FZZZ.</p> <p>U cilju zaštite postojeće infrastrukture i opreme potrebno je:</p> <ul style="list-style-type: none"> - Izvršiti detaljan pregled elektroinstalacija, definirati točan broj potrošača sa lokacijom i potrebnom snagom i sačiniti troškovnik za sanaciju sa specifikacijom materijala i radnom snagom <p>U cilju omogućavanja kontinuiranog rada ali i ušteda u troškovima zagrijavanja potrebno je:</p> <ul style="list-style-type: none"> - Izvršiti klimatizaciju prostorija Doma kulture - Putem javnih poziva iz oblasti kulture nastojati osigurati nabavku projektora za 3D kinoprojeksije čime bi kino dobilo još veće mogućnosti u prikazivačkoj djelatnosti <p>U cilju ispunjavanja zakonom propisanih mjera za poslovanje: Uz podršku Osnivača uputiti zahtjev KJD za nabavku kontejnera za šljaku za potrebe Sportske dvorane ukoliko se ne riješi pitanje zagrijavanja sa toplotnim pumpama</p>
<p>DRUGI PODACI ZNAČAJNI ZA JAVNU USTANOVU</p>	<p>Smatramo za potrebno da Osnivača upoznamo i sa infrastrukturnim problemima sa kojima se susrećemo a vezano za loše stanje vezano za zagrijavanje svih objekata Ustanove i lošim stanjem elektroinstalacija u svim objektima Ustanove.</p> <p>Sportska dvorana zagrijava se na ugalj, najnepoželjniji energent zbog enormnog zagađenja koje izaziva. U grijnoj sezoni u prosjeku se potroši 80 tona uglja što je u financijskom smislu jedan od najvećih tereta u rashodima koje imamo (cca 16.000,00 KM). Iskustvo Arene u Zenici ukazuje da ugradnjom toplotnih pumpi možemo postići dvostruki efekat za Sportsku dvoranu, tj. 50% jeftinije zagrijavanje u zimskom periodu i osigurati hlađenje, koje sada ne postoji, u ljetnim mjesecima.</p> <p>U slučaju Doma kulture stvari su jednostavnije pa i sam način prevazilaženja problema. Zagrijavanje Doma kulture na pelet je značajno pojednostavilo sistem zagrijavanja. Objekt se zagrijava parcijalno u zavisnosti od potrebe uz maksimalne mjere štednje. Stalni porast cijene peleta iz godine u godinu dodatno opterećuje proračun Ustanove. Činjenica da objekt ima ugrađenu toplotnu pumpu izuzetno je važna za uvođenje dodatnih mjera štednje i postizanja energetske učinkovitosti u zagrijavanju i hlađenju kina i zagrijavanju ostatka prostorija objekta. Stavljanje ove toplotne pumpe u funkciju bit će jedan od prioritarnih ciljeva Ustanove do grijne sezone 2022/2023.</p> <p>Elektroinstalacije u objektu Doma kulture i Sportske dvorane su radene kada i sama zgrada sa ponovnim stavljanjem u funkciju, sa nedostatnim poboljšanjima, nakon poplave 2014. godine. Trenutno stanje i kapacitet elektroinstalacija ne odgovara sadašnjim i budućim potrebama Doma kulture jer se stanje potrošača znatno promijenilo u odnosu na vrijeme projektiranja zgrade. Drugačija namjena prostorija objekta, resursi koji su instalirani i koji će biti instalirani su potrošači električne energije koji zahtijevaju proširen, poboljšan i stabilan način napajanja električnom energijom.</p> <p>Kao što je navedeno i u prethodnom izvještaju, uposlenik Bilić Jasmin tužio je ustanovu za isplatu razlike u plaći za period 01.03.2017. do 31.12.2018. godine, isplatu razlike naknade za minuli rad i isplatu naknade za korištenje godišnjeg odmora za 2017., 2018., i 2019. i</p>

	<p>uplatu razlike za PIO za isti period. Dana 10.11.2021. godine donesena je prvostupanjska presuda Općinskog suda u Zavidovićima, Odjeljenje u Maglaju, a vrijednost presude je cca 45.000,00 KM, sa kamatama i troškovima parničnog postupka. Po donesenoj presudi je podnesena žalba Kantonalnom sudu ZDK, po opunomoćenom odvjetniku, te se konačna presuda očekuje u tijeku 2022. Godine. Ukoliko presuda bude u korist tuženog, bit će konačna i izvršna, što će Ustanovu dovesti u vrlo neugodnu financijsku situaciju te neće moći izvršiti predmetnu presudu, a samo funkcioniranje Ustanove će biti upitno.</p> <p>Sredstva za realizaciju programa predviđenih ovim planom, Dom kulture „Edhem Mulabdić“ će nastojati osigurati kroz projekte koje kandidira prema općinskim, kantonalnim i federalnim nivoima vlasti, te drugim institucijama. Od toga uveliko zavisi i realizacija planiranog, jer kulturne djelatnosti se ne mogu organizirati isključivo na tržišnom principu. S toga ne čudi što je kultura „djelatnost od posebnog interesa“.</p> <p>Usprkos svemu, ova Ustanova će nastaviti rad na afirmaciji Maglaja i njegovih vrijednosti kao i do sada.</p>
--	--

FINANCIJSKI PLAN ZA 2022. godinu

Donošenje Finansijskog plana i podnošenje izvješća o poslovanju JU Dom kulture „Edhem Mulabdić“ Maglaj kao obaveza Upravnog odbora prema Osnivaču utvrđena je člankom 24. Pravila JU Dom kulture „Edhem Mulabdić“ Maglaj.

Zbog ostvarivanja vlastitih prihoda Ustanova i njena podružnica Sportska dvorana Maglaj su registrirane u Kantonalnom sudu u Zenici. Matični broj pod kojim se Ustanova vodi u Jedinственном registru poslovnih subjekata Federalnog zavoda za statistiku je 4218149890009 a podružnica JU Dom kulture „Edhem Mulabdić“ Maglaj – Sportska dvorana Maglaj, pod izvedenim identifikacijskim brojem od glavnog ID-a 4218149890017.

Ustanova sačinjava izvještaje o poslovanju za periode za koje je zakonom propisana obaveza utvrđivanja obračuna rezultata poslovanja te osim podnošenja izvješća ka Osnivaču, Ustanova podliježe obavezi sačinjavanja i podnošenja računovodstvenih iskaza u koje spadaju: Bilanca stanja, Bilanca uspjeha, Posebni mjesečni, kvartalni i godišnji izvještaji o zaposlenim i plaćama prema Federalnom zavodu za statistiku – Obrasci RAD -1 i RAD - 2, ZS - obrasce prema Poreznoj upravi i dr.

Ustanova svoje poslovne knjige vodi po Kontnom okviru za proračunske korisnike.

Financiranje Ustanove

U skladu sa člankom 11. Pravila JU Dom kulture „Edhem Mulabdić“ Maglaj financiranje Ustanove vrši se:

- iz sredstava proračuna Osnivača,
- od naknada za obavljanje intelektualnih, obrazovnih, kulturnih i drugih usluga,
- prodajom hrane, pića i sportske opreme,
- izdavanja poslovnog prostora pod zakup,
- od osobnog učešća korisnika usluga,
- od ulaznica za sportske, kulturne i druge manifestacije,
- iz drugih izvora u skladu sa zakonom, Odlukom o osnivanju i Pravilima Doma kulture.

Iz ukupnog prihoda Ustanove osiguravaju se plaće, ostala osobna primanja i zajednička potrošnja u skladu sa zakonskim i podzakonskim propisima. Utvrđivanje prihoda, rashoda i poslovnog rezultata vrši se u skladu sa zakonom a višak prihoda nad rashodima Ustanova koristi isključivo za obavljanje i razvoj djelatnosti.

PLAN PRIHODA I RASHODA

1. Plan prihoda

Za realizaciju aktivnosti iz Programa rada predlaže se Finansijski plan za 2022. godinu u iznosu od 263.563,00 KM. U cilju što transparentnijeg poslovanja sačinili smo strukturu planiranih prihoda i rashoda, kako slijedi:

R.br.	Plan prihoda prema izvorima finansiranja	Iznos KM	% učešća u ukupnim prihodima
1.	Prihod iz Budžeta Općina Maglaj	137.364,00	52,12%
2.	Vlastiti prihodi	108.199,00	41,05%
3.	Prihodi iz Fondova viših nivoa	18.000,00	6,83%
	Prihodi (1+2+3)	263.563,00	

2. Plan rashoda

R.br.	Plan rashoda	Iznos KM	% učešća u ukupnim rashodima
1.	Plaće i naknade troškova zaposlenih	167.979,00	63,73%
2.	Naknade za topli obrok	21.000,00	7,96%
3.	Nagrade	0,00	0,0%
4.	Putni nalozi	1.000,00	0,38%
5.	Troškovi utroška električne energije	18.000,00	6,82%
6.	Izdaci za grijanje Doma kulture (pelet)	5.984,00	2,27%
7.	Izdaci za grijanje Sportske dvorane (ugalj)	16.000,00	6,07%
8.	Izdaci za komunalne usluge (voda, kanalizacija, odvoz smeća)	2.800,00	1,08%
9.	Troškovi telekomunikacijskih usluga (telefon i internet)	2.500,00	0,95%
10.	Izdaci za kancelarijski materijal	1.200,00	0,46%
11.	Izdaci za sredstva za održavanje higijene	1.800,00	0,68%
12.	Izdaci za materijal za popravak i održavanje objekata, građevinski materijal	2.500,00	0,95%
13.	Troškovi distributerima filmova	8.000,00	3,04%

14.	Troškovi platnog prometa i bankovni troškovi	1.000,00	0,38%
15.	Usluge medija, štampanja i javnog informiranja	1.200,00	0,46%
16.	Troškovi usluga knjigovodstvenog servisa	3.600,00	1,37%
17.	Troškovi sufinansiranja projekata	500,00	0,19%
18.	Troškovi za nabavku roba za trgovinsku djelatnost kino i sportska dvorana	5.000,00	1,90%
19.	Planirani projekti iz vlastitih sredstava	2.000,00	0,76%
20.	Troškovi naknada članovima Upravnog odbora	1.500,00	0,57%
	Rashodi (1+2+3+4+...+21)	263.563,00 KM	

1.	Prihodi (1+2+3)	263.563,00
2.	Rashodi (1+2+3+4+.....+21)	263.563,00
	Rezultat	0,00

ZAKLJUČAK

Financijski plan za 2022. godinu urađen je kao realna financijska slika u realizaciji planiranih zadataka propisanih Programom rada JU Dom kulture „Edhem Mulabdić“ Maglaj za 2022. godinu. Osnovni cilj plana proračuna za 2022. godinu je održavanje prihoda i rashoda ustanove na razini pozitivnog poslovanja uz maksimalno smanjenje rashoda.

Na tom putu od ključnog je značaja kontinuirana podrška Osnivača bez koje bi zasigurno došlo do smanjenja broja programskih aktivnosti i smanjenja kvalitete istih. Nasuprot tome, kontinuirana podrška u sufinansiranju redovne djelatnosti Ustanove rezultirat će povećanjem realizacije programskih sadržaja, što neizostavno vodi do povećanja broja konzumenata tj. korisnika usluga, i nadalje, zadovoljstvu građana općine Maglaj radi čijih kulturnih i društvenih potreba i postojimo.



Predsjednik Upravnog odbora :

Josip Juršić, prof.

U Maglaju, ožujak/mart 2022. godine